



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 25. september 2009

J.nr.: 01.31.06/09-00429

Aningaasanut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00429 pillugu sisamangornermi ulloq 24. september 2009-mi aalajangiineranik Naalakkersuisunut ilisimatitsineq.

Tuapannguani Napasuliaasaq 4-miit 7-imut inissiat 120-t sulisinut inissiatut atorneqarnissaannik qinnuteqaat

Naalakkersuisut **inassutigaa**,

- kontomut pingaarnermut 89.17.12 Taartissatut sanaartukkat, oqaasertaliussat Inatsisartut 2009-mut aningaasanut inatsisaannut ilanngunneqassasut.

Aningaasaqarnermut Ataatsimiititaliap oqaaseqaatai

Oqaasertaliussaq matuma kingulianiittoq akuereqqullugu Naalakkersuisut Aningaasaqarnermut Ataatsimiititaliamut qinnutigaa:

89.72.12 Taartissatut sanaartukkat

Nr. 1.

Immikkoortoq 7-imi aamma 8-mi oqaasertaliussaq una:

” Maanna attartortuusut illuni sananeqartuni nutaani piginneqataalernissamut salliutinneqarnissaannik neqeroorfiginissaannut Naalakkersuisut piginnaatinneqarput. Attartortuusimasunit piginneqataalersussat amerlassutsimikkut naammangippata, Naalakkersuisut Namminersornerullutik Oqartussat inissiaataanni attartortittakkani attartortut piginneqataalernissamik neqeroorfigisinnaavaat. Tamatuma kingorna piginneqataassutit tamarmik piginneqataalersussanut tunniunneqarsimangippata, Naalakkersuisut inuit, utaqqisut allattorsimaffianni allatsissimasut kikkulluunniit piginneqataalernissamik neqeroorfigisinnaavaat.

Piginneqataassutit tamarmik piginneqataalersussanut tunniunneqarsinnaangippata, Naalakkersuisut piginneqatigiilluni inissianik piginnittuuginnarnissamut, aammalu inissianut attartortittakkanut piumasaqaatit nalinginnaasut tunngavigalugit attartortitsinissamut piginnaatinneqarput.”

oqaasertaliussamik uannga taarserneqassaaq:

” Maanna attartortuusut Illuni sananeqartuni nutaani pingasuni siullerni piginneqataalernissamut salliutinneqarnissaannik neqeroorfiginissaannut Naalakkersuisut piginnaatinneqarput. Attartortuusimasunit piginneqataalersussat amerlassutsimikkut naammangippata, Naalakkersuisut Namminersorlutik

Oqartussat inissiaataanni attartortittakkani attartortut iluni siullerni pingasuni piginneqataalernissamut neqeroorfigisinnaavaat.

Naalackersuisut illuni 4-mi, 5-imi, 6-imi aamma 7-imi kisimiillutik piginneqataaginnarnissamut, aammalu piginneqatigiilluni inissianik sulisuminnut namminerisamik inissiatinik attartortitsinermut piunasaqaatit nalinginnaasut tunngavigalugit attartortitsisarnissamut, imaluunniit inissiatut inissiiviugallartutut Inatsisartut Allattoqarfiannut attartortitsisarnissamut piginnaatinneqarput, tamatumani illut 30-inik inissiartaqartut tamakkiisumik Inatsisartut Allattoqarfiannut immikkoortinneqassapput. Ingerlatsinermi Inatsisartut Allattoqarfiata najugaqartut ataasiakkaat ineqarnermut akiliisittassavai. Inissiat immikkoortortamit, Namminersorlutik Oqartussat ineqarnermi illuuteqarnermilu soqutigisaannik isumaginnittuusumit aqunneqassapput.

Inissiat attartortumiit piginnittumut aaqqissuussineq imaluunniit piginneqataasumiit piginnittumut aaqqissuussineq malillugu najugaqartunit tiguneqarsinnaassanngillat.”

Oqaasertaliussanut oqaaseqaat:

89.72.12 Taartissatut sanaartukkat

Nr. 1

Immikkoortoq:

” Maanna Blok Q-mi, R-imi aamma S-imi attartortuusut Tuapannguani piginneqatigiilluni inissialiassani piginneqataalernissamut salliutinneqarnissaannut Naalackersuisut piginnaatinneqarput, taamaaliornikkut attartortut taakkorpiaat illoqarfimmi nutarteriffiusumut uternissaannut periarfissinneqassammata. Sanaartukkat Namminersornerullutik Oqartussat inissiaataannut attartortittakkanut taartissatut sanaartugaammata, Namminersornerullutik Oqartussat inissiaataanni attartortittakkani attartortut Tuapannguani piginneqatigiilluni inissianut salliutinneqartunut tulliusapput. Tamatuma kingorna piginneqatigiilluni inissiatit sineqarpata, taakku utaqqisut allattorsimaffianniittunut innersuunneqarsinnaapput. Tamatuma kingorna piginneqatigiilluni inissianik inuttaqanngitsunik peqarpat, Namminersornerullutik Oqartussat kisimiillutik piginneqataasutut ingerlaqqissinnaapput, aammalu piginneqatigiilluni inissianik pisortat inissiaataannik attartortitsinermut piunasaqaatit malillugit attartortitsisinnaallutik.”

oqaasertaliussamik uannga taarserneqassaaq:

”Maanna Blok Q-mi, R-imi aamma S-imi attartortuusut Tuapannguani piginneqatigiilluni inissialiassani piginneqataalernissamut salliutinneqarnissaannut Naalackersuisut piginnaatinneqarput, taamaaliornikkut attartortut taakkorpiaat illoqarfimmi nutarteriffiusumut uternissaannut periarfissinneqassammata. Sanaartukkat Namminersorlutik Oqartussat inissiaataannut attartortittakkanut taartissatut sanaartugaammata, Namminersorlutik Oqartussat inissiaataanni attartortittakkani attartortut Tuapannguani piginneqatigiilluni inissianut salliutinneqartunut tulliusapput. Tamatuma kingorna piginneqatigiilluni inissiat inuttasaqanngitsut sineqarpata, taakku sulisunut inissiatut innersuunneqarsinnaassapput imaluunniit inissiiviugallartartutut atorneqarsinnaallutik.

Tuapannguani inissiat Blok Q-mi, R-imi aamma S-imi najugaqartuusimasunut neqeroorutigineqanngitsut, Namminersorlutik Oqartussani qitiusumik allaffeqarfimmi

aamma Inatsisartut Allattoqarfiani sulisunut Namminersornerullutik Oqartussanit atorpeqarsinnaanissaasa qulakkeerneqarnissaa oqaasertaliussinermi qulakkeerniarneqarpoq.

Illut sisamat kingulliit piginneqatigiilluni inissiaatitut atuinnassapput, Namminersorlutik Oqartussat kisimiillutik piginneqataaffigisaat, inissiallu sulisunut inissiatut imaluunniit inissiiviugallartartut atorpeqassapput. Piginneqatigiilluni inissiat pillugit Inatsisartut peqqussutaat nr. 2-mi, 16. maj 2008-meersumi § 29, imm. 1-imi oqaaseqatigiit kingulliit tunngavigalugit, Namminersorlutik Oqartussat piginneqataaginnarsinnaapput inissianillu attartortitsinnaallutik.

Peqatigiiffiup siulersuisuini ilaasortat nalinginnaasumik tassaassapput, Illuutitut Upalungaarsimanermullu Aqutsisoqarfimmi aqutsisoqarfiup pisortaa, kiisalu Illuutitut Immikkoortortami immikkoortortap pisortaa.

Oqaasertaliussaq iluarsineqarluni AI 2009-imiit ingerlateqqitaavoq.”

Oqaasertaliussaq taanna Aningaasaqarnermut Ataatsimiititaliamit akuerineqarsinnaavoq.

Tamatuma saniatigut ineqarnermik aqutsinermi suliassat arlallit Namminersorlutik Oqartussat sinnerlugit Inissiaatinut Aktiaatileqatigiiffik Illuut A/S-imut isumagitlemniissaat Naalakkersuisunit isumaliutigineqartoq ataatsimiititaliap maluginiarpa. Taama ingerlatseqatigiiffimmik ilusiliineq ataatsimiititaliamit isornartussaqaartinneqanngilaq. Ingerlatseqatigiiffimmili ingerlatsinikkut aalajangigassatut inuit immikkut ilinniagallit, soorlu illussanik titartaasartut sociologillu sunniuteqaqataatinneqarnissaat Naalakkersuisunut ataatsimiititaliap kaammattuutigissavaa, taamaaliornikkut illoqarfiup naapertuuttumik inerisarneqarnissaa ingerlatseqatigiiffimmit ilanngutereerneqarsinnaaqqullugu. Taama kissaateqarnerup piviusunngortinneqarnissaanut periarfissanik Naalakkersuisunut ilaasortaq saqqummiusseqqullugu ataatsimiititaliamit qinnuigineqarpoq.

Kiisalu A/S Inissiaatileqatigiiffimmut INI-mut (eqqumiiginarsinnaasumilli Iserit A/S-imuunngitsoq) ombudsmandip oqartussaaffilerneqarneratuulli Inatsisartut Ombudsmandiat Illuut A/S-imut oqartussaaffilerneqassanersoq isumaliutigeqqullugu Naalakkersuisut Aningaasaqarnermut Ataatsimiititaliamit kaammattorneqarput.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuerineqarput.**

Aningaasaqarnermut Ataatsimiititaliap sinnerlugu

Akitsinnguaq Olsen

Aningaasaqarnermut Ataatsimiititaliap siulittaasua